

ƐƐNYCAN O LOOCU

Ɛenyacan o loocu

1 1 Baale ɔɔwa e ɛenyca Jooi tammu taden ki looc. 2 Maje baale laadun e kaal dook alarɔ azedi kiyo inoko o, ma adala maama looc dook, maje muuri adala maam kizi koli ter. Aje Vɔŋizi o Joowo awo maam tadena ka kutugu liŋliŋɔn onin.

3 Izi ni Jooi ne, “Abon abil vooritin tɔ,” ma didi anai vooritin wak. 4 Ma acin Jooi vooritin nico abon ɔɔɔt. Ɛɣer ni niini vooritin kibeem muur. 5 Ma awo vooritin azi ne waazin, ma awo muur azi ne baalin. Nica baale iiten o oowu neen.

6 Izi ni Jooi ne, “Abon anyak ŋinti aŋer maama lak ram.” 7 Ɛteɛnya ni niini tammu keŋ ka keŋer maam ci eel loota o kibeem maam ci eel tadena o. Ma agooni didi zɔɔz nici nɔkɔ. 8 Ma awo niini ŋinti aŋerɔn maama o azi ne tammu keŋ. Nica zin waanice iiten ween ram neen.

9 Ma bodo azi Jooi ne, “Abon arome maama ci eel loota o dook ŋaatodoi ka keyelizyai ŋinti adoɔ akɔm maam.” Ma didi agooni nɔkɔ. 10 Ma awo Jooi ŋinti akɔm maam o azi ne tɔdɔ, ma awo viten ci anyak maam o azi ne liilok. Ma acin niini gi nico abon ɔɔɔt.

11 Izi ni Jooi ne, “Anyek tɔdɔ kuduntai kaal ci abiir kanyayit kebere ci aduŋna bodo kiyo niigi o.” Ma agooni didi gi nici nɔkɔ. 12 Udunai didi tɔdɔwa keen kibeem arte ci abiirna gɔnɔgi ci eel kiyo niigi o. Ma acin Jooi kaal nicoko abon ɔɔɔt. 13 Nica zin waanice iiten ween iiyu neen.

14-15 Izi ni Jooi ne, “Abon anyak kaal ci atokol looc tammu keŋa ka keŋerit waazin ki baalin, ma buk aŋer looloyok ki tagizok, ki iinya been irkitok, ka buk kanycek niigi looc vooritin.” Ma didi agooni gi nici nɔkɔ. 16 Ma ɛenyca niini ii kibeem nyelok, ka ii kizi ci waazinu, maje nyelɔyi ka kizi ci baalinu. Ma ɛenyca buk niini monyony. 17-18 Ma arek niini nɔɔgɔ dook tammu keŋ ka kataraanit looc, ka kuzuuti niigi waazin ki baalin, ka buk keŋerit niigi vooritin kibeem muur. Ma acin Jooi kaal nicoko abon ɔɔɔt. 19 Nica waanice iiten ween wec neen.

20 Ma azi bodo Jooi ne, “Abon anyak liilowa kaal ci meel arogi. Abon buk anyak kibaali ci akul tammu keŋa.” 21 Eteenya ni Jooi kelek o adikir abaak liilowe, ki kaal o liilu arogi dook ka kitirit gɔnɔgi ci eel kiyo niigi o. Ma buk eenyca niini kibaali ci akul, ma arita gɔnɔgi ci anyak taba kiyo niigi o. Ma acin Jooi kaal nicoko abon ɔɔt. 22 Amayuk ni Jooi nɔɔɔ enek ne, “Itirit iziti meele ɔɔt. Ibitizit maam ci liilu noko.” Ma anek buk kibaali ne, “Itirit iziti meele.” 23 Nica waanice iiten ween tur neen.

24 Ma azi Jooi ne, “Abon anyak looci kaal ci arogi ci arita gɔnɔgi ci eel kiyo niigi o, kaal o kabal, ki kaal o ababat keŋtine, ka kelek o too, ka kitirta gɔnɔgi ci eel kiyo niigi o.” Ma didi agooni gi nici nɔkɔ. 25 Ma eenyca Jooi didi kelek o too, ki kaal o kabal, been kaal o ababat keŋtine. Ma acin Jooi kaal nicoko abon ɔɔt.

26 Izi ni Jooi ne, “Abon keenyca eet ci deer kizi riritɔn cinai ka kabal kuluk ci liilu o, ki kibaali, ki kaal o kabal, ki kelek o loocu dook kurum kaal o ababat keŋtine.” 27 Eteenya ni Jooi eet ci deer kizi riritɔn cin. Eenyca eet ci mac kibeena ɲaa. 28 Ma amayuk Jooi nɔɔɔ anek ne, “Itirit iziti meele. Ibitizit looc dook kɔkɔm gi ci animnyuŋ. Abalit kuluk o liilu, ki kibaali dook, kibeena kelek kebere dook.”

29 Ma anek bodo Jooi nɔɔɔ ne, “Kanyuŋ igeet kebere ci abiirna keena o kibeena ci abiirna arte o dook kizi dayiin cugooc. 30 Maje kelek dook, kibeena kibaali, kibeena kaal o ababat keŋtine kanyi nɔɔɔ arte ki keena ci colai o kizi dayiin cigeec.” Ma didi agooni gi nici nɔkɔ. 31 Ma acin Jooi kaal ci eenyca o dook abon ɔɔt. Nica waanice iiten ween tɔrkɔnɔm neen.

2 1 Nici zin gɔl baal eenycane Jooi tammu taden ki looc been kaal dook e neen. 2 Ma iitene ween torgerem idica Jooi liŋliŋon onin. Uyubuz ni. 3 Ma amayuk niini iiten nico kizi iiten ci yubzento ci aŋeryai kɔtɔ doon. Agɔɔn niini nɔkɔ o, eeci iitene ceen torgerem noko ayubuz niini liŋliŋonte onin eenycane kaal.

Eenycaan o eet ci mac ki ɲaa

4 Nici zin gɔl o eenycane Jooi tammu taden ki looc neen. 5 Ma eenyca Jooi looc e, akɔm waanice rak keena ki arte ci aduŋna tɔdɔwai, eeci ɲaan kanyaak niini tiilez looc, ma buk

ɲaan akom eet ci deer ci ka keev todɔ. 6 Bar olla waanice anyak looci ziizi ci anyamat looc dook. 7 Ɛteɛnya ni Jooi eet ci deer todɔwaca. Ma avoŋek nɔɔnɔ vɔŋiz o rogeto. Makacin didi urugun eeti nici.

8 Ma agoona Jooi mana libire ci jenu e ɲaati kazi Idan, ma arek eet ci ona ɛɛnyca o ɲinaante. 9 Ma anyek Jooi kudunta ɲinaante keena ci amedneket ɲaati kacini, ma abiiirna kebere ci abon ɲaati kadayi. Maje mana kɔrgena anyak keet ci rogeto kibeem keet ci kagawi gi ci abon been gi ci ger.

10 Anyak zin liil ci ariiya Idana ka kanyamat mana, ma ɲinaante aŋeryi liili nici lak wec. 11 Liil codoi kazi zaar ne Picon. Nicini liil o ariik looce o kazi Avila neen. 12 Ma ɲinaante anyak warki ci abon, ki karkaret, kibeem buk biyen o alina kazi onik. 13 Ma liil ceen ram o kazi zaar ne Giyon ariik niini looce o kazi Kuc. 14 Ma liil ceen iiyu o kazi zaar ne Tigariz ariik niini looce o kazi Asiriya libire ci jenu e. Maje liil ween wec o kazi zaar ne Yuparatiz.

15 Arek ni Jooi eet ci deer o mana ci kazi Idan noko ka koozooti kebek. 16 Ma anek nɔɔnɔ ne, “Olla niina dak kebere ci arooŋ keene ci eel mana noko dook labak. 17 Bar zin má adei kebere ci keet ci kagawi gi ci abon been gi ci ger o. Mā adei, akunakin koca daayiz.”

18 Izi ni Jooi ne, “Alaŋ abon ɲaati aave eeti ci deer niini doon. Abon keenyca laŋotin ci ka kitirit nɔɔnɔ.” 19 Ɛteɛnya ni Jooi todɔwai kelek dook ki kibaali dook, ma alotak nɔɔgo eet nico ka kiiya kakatek niini nɔɔgo zaar. Akatewun ni eeti nɔɔgo zaar o kaga o. 20 Ma didi akanek niini zaar kaal o kabal, kibeem kelek dook, ki kibaali dook. Maje eet ele waanice ɲaan akom laŋotin ci ka kitirit nɔɔnɔ.

21 Anyewun ni Jooi nɔɔnɔ ketɛɛda ooŋnya. Mazi ɲaan ɔɔŋ nɔko, aara onyit cin codoi, ma arigzek ɲinito idiŋ. 22 Ɛteɛnya ni Jooi onyite nico ɲaa, ma anyaaq eet. 23 Mazi acin eeti nɔɔnɔ, izi ne, “Inoko kanyawa eet ci deer ci katobona ki aneet. Ame cigine o avu amene cigan o, ma idina cigine o avu idine cigan o. Abon zin kakanei nɔɔnɔ zaar ci kazi ɲaa, eeci agoɔɔnnyai niini eete ci mac.” 24 Nici zin gi o goon ooŋni eeti baatin ki yaatin, ma aromen kibeem ɲaa onin o neen, ka kiziti niigi ele codoi.

25 Waanice zin eeti kibeen ɲaa cin o aavtiz ɲadinyiny, ma alaŋ aŋɔɔ.

Baciin ci ɔl o deer

3 1 Mazi baale eenyca Jooi kelek dook e, ageny kowat kelegene dook, ma een labjoi. Iiyak ni niini ɲaa mana, ma ajin nɔɔɔ anek ne, “Ma dim didi eeyuŋ Jooi igeet keen kebere ci mano o ɲaati adaku?”

2 Abedeke ɲaa nɔɔɔ anek ne, “Akɔm! Kadaka keen kebere dook labak. 3 Olla bar kebere ci keet ci abil mana kɔrgena o doon azi Jooi ne, Má adaku, ma buk azi ne, Má uumnyu. Eeci mā kadaka, karabɔŋ kuumnya, akunaket koca daayizi.”

4 Ma abedeke kowat ɲaa anek ne, “Akɔm! Alaŋ een neen. Alaŋ adaaknu been neen. 5 Olla aduwa Jooi gi nico o, eeci aga niini mā adaku, akolinuŋ koca kebere otobto ki Jook, ma agayu gi ci abon kibeen gi ci ger.”

6 Mazi acin ɲaa keet nico alina ɔɔɔt nɔkɔ, ma buk agano kebere cigine o ɲaati kadayi, ma acin niini buk anyek koca kebere ci keet nico o nɔɔɔ kegeny, odoca kebere oogi, ma adak. Ma anyaak koogi eet onin, ma adak buk niini. 7 Taman nɔkɔ ɔkɔlte nɔɔɔ kebere ugeec, ma acin eleeti niigi aavtiyo ɲadinyiny. Utuluya ni bɔɔk ci moneeco ka kubuŋti eleeti.

8 Ma yomana mazi azii niigi Jook ɲaati awɔyi mana keŋa, oroode keeni eecitɔ. 9 Otowo ni Jooi eet ci mac o, ma anek ne, “Aave ɲaadaŋ?”

10 Ma abedeke niini nɔɔɔ anek ne, “Kiziiknin uyen awɔ mana e. Kotoŋoliwin ni, ma karoodei ka calaŋ acinan, eeci kaave ɲadinyiny.”

11 Ijin ni Jooi nɔɔɔ enek ne, “Ŋneen ci anekin ne, Aave ɲadinyiny o? Adawu te kebere ci keet baal karicanekin calaŋ adei e?”

12 Ma abedeke eeti nɔɔɔ anek ne, “Ŋaa baal anyaakan ka koromtewa e neen ci anyan kebere ci keetu o, ma kadei.”

13 Ma ajin Jooi ɲaa anek ne, “Agɔɔn nɔkɔ naa?”

Ma abedeke ɲaa nɔɔɔ anek ne, “Kowat neen ci alabekan kadak o.”

14 Ɔɔr ni Jooi kowat enek ne, “Giye o agɔɔne gi nico katoryin ineet doon kelegene dook. Akatai zin inoko iitene nico ele awɔ niina ɲaati ababate keŋa, ma adei tɔɔɔ iinya ci ɲaan

arogne o dook. **15**Ma kanyin ineeta amarto kibeena ɗaa noko, ma buk amarno dolya cugooc. Arukun gon tijeere niigi igheet ooti, ma aɗedetu niiga noogo zoɔ.”

16Enek ni Jooi ɗaa ne, “Kazaacekin ineet piryakzet nyayiinta, ma anyei balcon ci appe oroot ɗaati ookcane. Aroon gon tijeere niina eet oroot, ma abalin eeti ineet.”

17Ma anek Jooi eet ne, “Giye o iziye niina zoɔz ci ɗaa cun o, ma adaye kebere ci keet baal kajurakin e, kator todo. Akatai zin itene nico ele adoi ɗaatun ɗaati ajowane dayiin toɗowai gaga noko kiyo baale e. Apirna gon tijeere niina liɗliɗonta oroot ka jowa dayiin iinya ci ɗaan arogne o dook. **18**Aduɗna tijeere keena ceen bila been ciiren toɗowai. Adei gon tijeere niina kebere ci keen ci too. **19**Aliɗliɗ gon tijeere niina oroot zee ma amului ɗaati eeve todo ka kudunai dayiin ci adei. Aliɗliɗ tijeere niina noko zee ma amiironei todo baal keenyancin e. Ma giye o eene toɗowa tijeere amiironei todo.”

20Akanek Adam ɗaa cin o zaar ci kazi Eev, eeci een niini yaati ol dook neen.

21Ma agoonak Manyi Jooi Adam ki ɗaa cin o rumanee ceen ruce ka kubuɗti eleeti.

22Izi ni Manyi Jooi ne, “Inoko eeti ci deer o ibilun kiyo naaga o. Anyawun genyiz ci agawi gi ci abon ki gi ci ger. Alan zin abon bodo ɗaati kanyeke noono kadak kebere ci keet o rogeto, ka korok roget o abil been neen.” **23**Otook ni Manyi Jooi noono mane o looc o kazi Idan, ma anyek noono kook keev todo baal eenyancane niini noono e. **24**Arek ni Jooi mana ci kazi Idan noko libire ci ako ki jen e toonnyai onin kazi Cerubim o anyak kabaz o wun amacuc looc, ma alanyit kalakalak ka kebek niini keet o roget o abil kodot.